



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

VV. Remen. Archiepiscopo, sanctae Sabinae Cardinali, & Suffraganeis ejus.

urn:nbn:de:hbz:466:1-20006

deatis elicere veritatem, & quæcunque in capite vel in membris tam circa spiritualia quàm temporalia de jure statuenda & corrigenda videritis, auctoritate freti apostol. sublato appellationis obstaculo corrigatis, & faciatis quod à vobis statutum fuerit sine refragatione servari. Nullis literis veritati & justitiæ &c. Quòd si omnes &c. tu, frater Episcopo, cum eorum altero &c. Datum &c. Kalend. Junij.

VV. REMEN. ARCHIEPISCOPO,
sanctæ Sabine Cardinali, &
Suffraganeis ejus.

DVra sæpe mandata & institutiones interdum iniquas à sede apostolica emanere multi arguunt & mirantur, & in hoc ei culpam imponunt in quo synceritas ejus, culpæ prorsus ignara, per innocentiam excusatur. Nos etenim circa majora negotia frequentius occupati, & curam univerforum ex officio nostro gerentes, per quod sumus omnibus debitores, cum omnibus apud nos instantibus in continenti satisfacere non possimus, quidam eò quòd à semita justitiæ oberrantes, aut ultra quàm permittit honestas suæ petitionis licentiam extendentes, exaudiri non possunt, in motum propriæ voluntatis irrumpunt, & ad sua ingenia falsitatis & artes perditionis cum animi exquisita malitia recurrentes, per falsæ astutiam speciei candorem puritatis apostolicæ denigrare ac depravare nituntur. Ex cujus falsitatis ingenio quot & quanta mala proveniant, cum per eam & innocentes quandoque damnentur, & rei ab objectis criminibus absolvantur, necnon & apostolicæ sedis lædatur auctoritas, ipsa rei evidens malitia protestatur. Licet autem hujusmodi falsitas aliquandiu possit cum operibus tenebrarum abscondi, tamen quia per eam beatis Apostolis specialiter infertur injuria, ille, à quo in persona eorum Romana Ecclesia auctoritatem super Ecclesias universas accepit, (unde & Bulla nostra, per quam totius negotia Christianitatis aguntur, capitum ipsorum caractere præsignatur) perniciem tanti sceleris non patitur in tantum præjudicium eorum diutius occultari. Accidit enim nuper in Vrbe quòd quidam hujusmodi falsitatis astutiam perniciosius exercentes, in suis fuere iniquitatibus deprehensi; ita quòd Bullas tam sub

nomine nostro quàm bonæ memoriæ Celestini PP. prædecessoris nostri, quas falsò confinxerant, & quamplures literas Bullis signatas eisdem invenimus apud eos, ipsosque captos adhuc in carcere detinemus. Nos autem honori Romanæ Ecclesiæ & utilitati omnium paterna volentes sollicitudine providere, de communi fratrum nostrorum consilio statuimus, & sub excommunicationis pœna & suspensionis ordinis & beneficii districtius inhihemus, ne quis apud sedem apostolicam de cetero literas nostras nisi à nobis vel de manibus illorum recipiat qui de mandato nostro sunt ad illud officium deputati. Si verò * persona tantæ auctoritatis extiterit, ut deceat eum per nuncium literas nostras recipere, nuncium ipsum ad cancellariam nostram vel ad nos ipsos mittat idoneum, per quem literas apostolicas juxta formam præscriptam recipiat. Si quis autem in hac parte mandati nostri transgressor extiterit, si laicus fuerit, excommunicationi subjaceat, si Clericus, officij & beneficii sui suspensione damnetur. Verùm quia, sicut à falsariis ipsis accepimus, tam ad partes vestras quàm ad ceteras regiones per literas transmissas ab eis suæ iniquitatis falsitas multipliciter est diffusa, fraternitati vestræ per apostolica scripta mandamus, & districtè præcipimus, quatenus provinciale Concilium evocetis, in quo solenniter & generaliter statuatis ut per singulas parochias publicè proponatur quòd si quis à sede apostolica literas impetraverit, quarum tenor possit esse suspectus, & eis uti voluerit, ut statutam pœnam evadat, primò fiat collatio de falsa Bulla cum vera, & si eam invenerit falsitate notandam, Episcopo diocesano, Abbati, vel Archidiacono loci easdem literas nos differat præsentare: qui, veritate comperta, illum qui tales literas reportavit, si laicus fuerit, excommunicationi subjiciat; si Clericus, cum ab officio beneficiique suspendat. Ad hæc, adjicientes statuimus ut generalem excommunicationis sententiam promulgetis, quam per singulas parochias faciatis frequentius innovari, quòd si quis falsas literas se cognoscit habere, infra quindecim dies literas illas aut destruat aut resignet, si pœnam excommunicationis voluerit evadere, quam, nisi forsan in mortis articulo, sine speciali mandato nostro à quocunque

Vide caput Ad falsarium. De falsariis. * in Tertia Collect. tantæ auct. aliquis extit.

Epist. 255.
Ve per quosdam falsarios confictas Bullas interceptant.
Cap. Dura serpe. De falsariis. Vide infra epist. 262.

Epist. 255.
De testibus crebris et informibus officia dicitur.

* In sermone Col-
leif. in tantum
occulta

nolumus relaxari; nec etiam si præsumpta fuerit contra hoc absolutio, quicquam habeat firmitatis; ne forte post tempora nostra falsitas * interim occultata cuiquam valeat præjudicium generare. Ceterum, ad majorem illius notitiam falsitatis habendam, ut fieri possit Bullæ falsæ cum nostra collatio, præsentibus literis unam de Bullis falsis cum vera Bulla duximus appendendam; districtius injungentes ut quascunque literas inveneritis hac vel alia falsitate notandas, si quid actum fuerit occasione illarum, appellatione postposita irriteris; ita quod hujusmodi falsitas nullo temporis spatio valeat excusari, & portitores earum tamdiu faciatis sub arcu custodia detineri, donec receperitis super hoc nostræ beneplacitum voluntatis. Datum Romæ apud sanctum Petrum XIV. Kalend. Iunij, pontificatus nostri anno primo.

In eundem modum scriptum est super hoc universis Archiepiscopis & eorum Suffraganeis singulariter.

MAGDEBURGEN. ARCHIEPISC.

Epist. 236.
Vi Ducem Sueviae cogat Angliæ Regi ablatam pecuniam restituere.
Vide supra epist. 230.

IN eo sumus officio disponente Domino constituti ut singulorum & omnium saluti consulere debeamus, & universis petentibus, tam majoribus, quam minoribus, in executione justitiæ providere. Sanè quàm potenter & magnificè carissimus in Christo filius noster R. Illustris Rex Angliæ se ad obsequium Domini in partibus transmarinis habuerit, ita ut nec rebus suis pepercerit nec personæ, sed se ipsum multis & variis discriminibus pro exaltatione Christiani nominis exposuerit, quàmque graves & enormes injurias & jacturas ab H. quondam Imperatore pertulerit inde revertens, per totum ferè orbem fama notissima divulgavit. Quæ res tanto profundius Romanam tangit Ecclesiam, quanto injuriæ & gravamina Regi eidem illata in ejus ignominiam & injuriam noscuntur gravius redundare. Quia igitur tam gravem Domino & apostolicæ fedi necnon & ipsi Regi injuriam irrogatam salva conscientia dissimulare non possumus, nec debemus; fraternitati tuæ per apostolica scripta mandamus, & districtè præcipimus, quatenus nobilem virum Ducem Sueviæ, ad cujus manus thesaurus præfati Imperatoris pervenit,

& patrimonium ejus vel jure successionis vel faltem tutelæ nomine noscitur devenisse, diligenter admoneas & quàm efficacius poteris procures inducere ut eidem Regi de ablata pecunia satisfaciatur competenter. alioquin noverit quod nos tantam injuriam non poterimus sub dissimulatione transire, quin in eum & terram ejus nostri officij debitum, sicut justum fuerit, exequamur. Datum Romæ apud sanctum Petrum, II. Kalend. Iunij.

TARENTASIEN. ARCHIEPISC.

INter alias petitiones tuas postulasti nuper à nobis quod circa incendiarios absolvendos, qui non possunt ad sedem apostolicam proficisci, tecum dispensare vellemus ut eis posses absolutionis beneficium impertiri. Nos ergo, quia personam tuam sincera caritate diligimus, auctoritate tibi præsentium duximus indulgendum ut illos incendiarios absolvere tibi liceat usque ad triennium qui propter ægritudines aut inimicitias capitales se non possunt nostro conspectui præsentare. Appellationibus quoque, quas parochiani tui vel diocæsani Episcopi tuum volentes iudicium declinare, frustratorè interponunt, nolumus te deferre. Nulli ergo &c. Datum Romæ &c. V. Kalend. Iunij, pontificatus nostri anno primo.

Epist. 237.
De incendiariis absolvendis.

**EVERARDO NITRIEN.
Episcopo.**

IVstis petentium &c. usque ad verbum assensu, Statuimus ut quascunque possessiones, quæcunque bona Ecclesia Nitrien. in præsentiarum justè & canonicè possidet, aut in futurum concessione Pontificum, largitione Regum vel Principum, oblatione fidelium, seu aliis justis modis præstante Domino poterit adipisci, firma tibi & per te Ecclesiæ tuæ & illibata permaneant. Prædicia quoque ad Ecclesiam tuam diocæsana lege spectantia, quæ propriis laboribus excolis, à solutione decimarum eximimus; nec aliquis de laboribus tuis ausu temerario decimas exigere vel extorquere præsumat. Nulli ergo &c. Datum Romæ &c. Kalend. Iunij.

Epist. 238.
Ut oblata Ecclesiæ bona retineat, & de prædiis quæ ipse colit, decimas non possolvat.